



UNIVERSITÄTS-
BIBLIOTHEK
PADERBORN

Universitätsbibliothek Paderborn

Nucleus Practici Tractatus, De Legibus

Marchius, Ewald

Coloniæ Agrippinæ, 1660 [erschienen] 1661

Præfatio Ad Lectorem.

urn:nbn:de:hbz:466:1-42256



PRÆFATIO AD LECTOREM.

CUM SALVATOR noster CHRIS-
TUS, Sacræ suæ Humanitatis, (a)
(in quâ, omnis plenitudo Divinitatis,
habitabat corporaliter) Majestatem & Glo-
riam, aequaliter adumbraturus, cum Petro,
Jacobo, & Joanne, Montem Thabor con-
scenderet, (b) ejusdemque minimam quen-
dam radium, vultus & corporis sui splendo-
re, medius inter Moysen & Eliam, oculis eo-
rum videndum præberet: in tantam, ex hoc
visu, raptus est extasi Petrus, ut trium sibi
TABERNACULORUM permitti peteret
exstructionem: verum, hujus sui voti effe-
ctum, tunc minime obtinuit, non enim Deus,
(c) qui fecit Mundum, & Omnia, quæ in eo
sunt, cum sit Cœli & Terræ Dominus, in
Templis manufactis habitat, nec materiali-
bus ædificiis, tanto opere delectatur, sed illis
potius, quæ (d) construuntur ex lapidibus
vivis, tunctionibus & pressuris expolitis, lo-
tisque suis, concinno ordine, per manus
cœlestis Artificis coaptatis, ex quibus tan-
dem,

A 2

(a) Coloss. 2. (b) Math. 17. & 2. Petri. 1.
(c) Actor. 17. (d) Hymnus Ecclesia.

convertens
dele, Sa-
8. v. 18.
ex tota
totâ men-
cut reip-
erfa LEX
Manci u

PRAEFATIO

dem, spirituale ædificium, in Coelum confu-
 git, in quo, (e) omnes Domestici, duplici
 Caritatis, Dei & Proximi, veste induti, (f)
 ascensiones in corde suo disponunt, (g) ma-
 nusque suas, extendunt ad fortia, & super Al-
 tare (h) Thymiamatis, quod circumfe-
 runt in Templo Cordis sui, Deo offerunt,
 Thus Devotionis, Myrrham Mortificationis,
 Aurum Obedientiæ, Laudis, Gratiarum ac-
 tionis, & bonæ promptæque (i) volun-
 tatis, quæ, sicut oleum, super omnes liquores
 natat; ita & hæc inter virtutes omnes, Pri-
 cipem locum tenet; Estque Deo gravior, su-
 per omnia Sacrificia, & Holocausta Anima-
 lium medullata, cujus virtus, nec ipsum Popu-
 lum Ethnicum latuit, qui cecinit:

Ut desint vires, tamen est laudanda voluntas.
 Hac ego contentos, auguror, esse Deos.
 Hæc facit, ut veniat, Pauper quoque gratum
 ad Aras,

Et placeat, cæso, non minus Agna, Bove

Hinc Ego, hujus tantopere Privilegia
 bonæ voluntatis piâ confidentiâ inducitur
 tria Spiritualia TABERNACULA ad Ho-
 norem Sanctissimæ TRINITATIS, seu

(e) *Parab. 31.* (f) *Psal. 83.* (g) *Parab. 31.*
 (h) *Exodi. 20. & 31. Lucæ 20.*

dividuae UNITATIS, pro virium mearum exiguitate, humillime exstruxi. Verum, cum mihi nulla alia supellex, quam in ea inferrem, ad manus esset, Hinc, ne in Conspectu Dei vacuus apparerem, in singula TABERNACULA unum NUCLEUM intuli, & ad Aras uniuscujusque TABERNACULI deposui, & PRIMUM quidem, de JURE & JUSTITIA, DEO PATRI, cui JUSTITIA, quam in eo tradidi, propriè attribuitur. Secundum vero de LEGIBUS, DEO FILIO obtuli, huic enim Sapiencia adscribitur, quæ in condendis & exequendis LEGIBUS, maxime requiritur. At hunc Tertium MYSTICUM de LEGE EVANGELICA, SPIRITUI SANCTO, uti Charitatis & Misericordiæ Auctori, inscripsi, quo operante, hæc LEX Mundo annunciata, & per ejus gratiam, Levis & suavis Hominibus facta fuit.

Quem, hac tertiâ Editione, modo auctum & correctum tuo bono, LECTOR BENEVOLE, denuo in Lucem edidi, sperans, ejusdem succum, non minus tibi placiturum, quam priorem, cum illi duo Nuclei ista Præcepta tradant, quibus Pax & Tranquillitas, quæ in Legum observatione, & JUSTITIÆ administratione consistit, in Mundo

conservetur. Hic vero instruat, qualiter Pat
 Conscientiæ, uti & cum Deo, & Hominibus
 simulque æterna Beatitudo, obtineri possit
 Quanto igitur præstantior est Anima corpo
 re; Sic hujus NUCLEI Materia, ceteris
 dignior, gravior, & utilior est, cujus succum
 magno studio, ex ipsis Sacræ Scripturæ, & SS.
 PATRUM Floribus, fideliter excerpti, ut
 tanto majorem fidem mereretur.

Nec me, ab hoc pio proposito abstraxit
 immensus Labor, quem in exquirendis, cu
 tandis, & applicandis Sacræ Scripturæ locis
 impendi, nec etiam prævisa Aliquorum for
 te sugillatio, quod Theoiogus, Versu, hanc
 LEGEM EVANGELICAM descripsit
 Per hunc enim, Laborem meum magis aux
 quem tamen, ex Amore Salutis Proximo
 rum, non subterfugi, & animosius suscepi
 ad hujus DIVINÆ, EVANGELICÆ
 QUE LEGIS, utilissimam Cognitionem
 Amorem, & salutare Exercitium, Merito
 variatione, LECTOREM pellicerem, et
 que brevibus, multa complecterer, quæ
 tius memoria, quam prosam caperet, & te
 naciùs inhærerent; secutus in hoc S. GREG
 GORIUM NAZIANZENUM, DAMAS
 SUM PAPAM, PETRUM DAMIANUM
 SEVERUM SULPITIUM, FULGEN
 TIUM

VIUM, BOETIUM, PRUDENTIUM,
 JUVENCUM (quem citat S. Hieronymus)
 aliosque quam plurimos, inter quos & ipse
 S. AUGUSTINUS, qui caput 13. Medita-
 tionum à carmine exorsus est. Imo ipsa S.
 Mater Ecclesia in pluribus Canticis, & Hym-
 nis solennibus carmine utitur.

Nec mihi succensebis, vitiove vertes,
 LECTOR BENEVOLE, Carmen meum,
 durius aliquando fluere, nec elegantiam for-
 tē Poeticam ubique sapere, cum in illo po-
 tius, ad sensum genuinum Sacrae Scripturae,
 eumque propositae Materiae accomodan-
 dum, attenderim, & ut Theologus, ad inte-
 rioris Hominis renovationem, & perfectio-
 nem magis reflexerim, quam, uti Poeta, ad
 dulcem carminis modulationem; nec tam in-
 persuasibilibus Humanae Sapientiae verbis,
 Sciolos vel curiosos Censores, magis pruden-
 tiam carnis, & non ea, quae sunt Spiritus, sa-
 pientes, instruere intenderim, quam Animae
 Deum timenti, & aeternam Salutem, sincero
 corde quaerenti, simplici Stylo (quo & ipsa
 S. Scriptura utitur) viam planam, & rectam
 demonstrare, per quam secure, & sine offen-
 diculo, ad Coelestem Patriam, pervenire, de-
 viaque & Laqueos, ab Insidiatore Hoste po-
 sitos, prudenter evadere possit; Huc enim

P R Æ F A T I O

totus, & solus meus collimat Scopus.

Hunc igitur meum Laborem, Dei Honori,
& Proximorum saluti, dicatum, æqui boni-
que, Candide L E C T O R, consule ac Præ-
cepta tradita, in praxim redige, Tunc tuæ
proprie saluti, fructuosè consules, & pia In-
tentioni meæ, ac Expectationi, plene satisfac-
ies. His Vale, & pio meo Conatui Fave.

HERACLITUM ajunt, lachrymas fudisse
frequentes,

DEMOCRITUM crebro Mundum risisse
cachinno :

Hic tibi, si fatuus, Fletus Risusque videtur,
Falleris : his signis mysteria docta natabant ;
Blandimenta, Jocos, Ludibria, Gaudia vana,
Mundi, Heracliti deflere pupilla docebat :
Hæc quoque Ridebat, patulo Democritus
ore ;

Hinc causa una fuit Fletus, Risusque Duo-
rum,

Nam pravos Hominum mores carpebat
uterque ;

Qui nunc in Mundo, simili grassantur abusu ;
Verius attingit meus hos, monstratque

L I B E L L U S,

Errores carpens, virtutum Semina spargens,
Pandit Iter Cœli, versuti, Dæmonis astus

Pro-

Prodit, & æternæ piâ dat documenta salutis,
 In verbo fundata Dei, quod fallere nescit:
 Est Animæ speculum, maculas quod detegit
 omnes,
 Quæ longo cœcam latuerunt tempore men-
 tem,
 Norma piæ vitæ est, & consolatio cordis:
 Hunc igitur si sæpe legas, & corde reponas,
 Gustum spero dabit, Pietati Calcar acutum
 Addet; Peccati noxas vitare docebit.
 Nil tibi, res Mundi, poterunt superaddere
 maius.

CARMEN AGGRATULATORIUM

IN

TERTIAM EDITIONEM

NUCLEI MYSTICI LEGIS ET
JUSTITIÆ EVANGELICÆ

Admodum Reverendi & Eximii Domini
E W A L D I M A R C H I I,
 SS. Theologiæ Licentiati, &c. Ejusque In-
 signia, LEONEM & AQUILAM;
 & dictum, FORTITER &
 SUAVITER.

SI LECTOR cupias Animæ curare Salu-
 tem?

A 3

Nos